

# PYRO – GOLDIGE KEEFIG

---

VOM ALBUM „ROHKOST“ 2017 - (TEXT IST URHEBERRECHTLICH GESCHÜTZT)

## INTRO

E HAND VOLLER TRÄUM IM NE KÄFIG USS GOLD  
E SEHNSUCHT NACH MEH - AS BLOS CASH UND ERFOLG  
WAS ISCH DI WÄG - WAS ISCH WÄRT  
UND IN WAS INVESCHTIERSCH DU?

## PART 1

WEISCH NO WO MER DENKT HEI MER CHOI WELT VERÄNDERE?  
ZIT VERPLÄMPERE S SACKGELD FÜR SÜSSES VERSCHWENDE  
SO UNBESCHWERT PLANLOS DURS LEBE SCHLENDERE  
UNS MIT GROSSE AUGEN NUR VO DER SUNNE LO BLENDE  
DER GANZI DAAG NUME AM SOUNDE UND DEN ZOBE PROGRAMM  
MIT FRÜNDE DUR EUROPA CRUISE OHNI KOHLE UND PLAN  
NACH EM WINTER UFF D FASNACHT – NACH SUMMER NUR UFF D HERBSCHTMÄSS BANGE  
LIEDER MITTELS KLEBSTREIFE UFF MINI CASSETTE BANNE  
CHUM ISCH D LEHR ABGESCHLOSSE ISCH AU PULVER VERSCHOSSE  
UFF HOCHTOURE AM SPUHLE DARFSCH S TEMPO NÜMM DROSSLE  
STOHSCH IM DIENSCHT VO GROSSKONZERN - KOHLE ISCH GFLOSSE  
EINSCHISCH DUSS US ARBETSMARKT BLIEBE TÜRE VERSCHLOSSE  
HESCH DI IMMER LOH TRIBE - D ORIENTIERIG VERLORE  
STOHSCH AMNE PUNKT WO NÜM WEISCH WO D SÖLSCH GO SUECHE NACH WOURET  
UND ES SO BEQUEM OHNI GROSSE PROBLEM  
MIR SIN SO OVERENTERTAINMENT DAS MR D FROOGE NUEM GSEHN  
*DAS MR D FROOGE NUEM GSEHN, DAS MR D FROOGE NUEM GSEHN (3X)*  
*MIR SIN SO OVERENTERTAINMENT*

## REF

E HAND VOLLER TRÄUM IM NE KÄFIG USS GOLD  
E SEHNSUCHT NACH MEH - AS BLOS CASH UND ERFOLG  
WAS ISCH DI WÄG - WAS ISCH WÄRT  
UND IN WAS INVESCHTIERSCH DU?  
E HAND VOLLER TRÄUM IM NE KÄFIG USS GOLD  
E SEHNSUCHT NACH MEH AS BLOS CASH UND ERFOLG  
WENN BISCH SOWIT ? WIE LANG BLIBT NO ZIT?  
UND IN WAS INVESCHTIERSCH SI?

## PART 2

WAS CHOSCHTE SIIN TRÄUM HETT MOL EINE GFROGT?  
MILLIONE UFF DER BANK & DENN NÜD AS FLASHE IM CHOPF?  
WIE NE VOGEL IM CHÄFIG HOCKSCH UF EM GOLDIGE TOPF  
SO VOLLGFRÄSSE - DAS ES S ABFLUSSROHR VERSTOPFT  
MEINSCH BRUCHSCH KONTROLLE – SUECHSCH RUUM & DISTANZ  
HEI NIS Z LANG BLENDET VOM GLANZ IM CHÄFIG VERSCHANZT  
TRÄG VOM KAMPF BESCHRÄNKT UF E ALLTAGSCHRAMPF  
VERGISSISCH DINI TRÄUM - WIE D WÖRTLI IM FRANZ  
ICH WEISS...MER BRUCH LOHN FÜR UNSERE WOHLSTAND  
WER WOHL STOHT ISCH SICH GWOHNT DAS ME VOLLTANKT  
WER WENIG VERDIENT KENNTS EWIGE LIED  
MUESS LUEGE DAS ÜBER D RUNDE KUNNT WIE BIM BOXKAMPF  
VIELI SCHAFFE AM TAG UND SCHLOFE DURCH D NACHT  
HÄN ENDI MONET NACH DE ZAHLIGE KEI GROSSE ERTRAG  
DR HOSESACK ISCH LEER HAUPTSACH D WOHNIG ISCH ZAHLT  
D REALITÄT ISCH E KIFFER DENN SI TRÄUMT NID  
*HESCH DI IMMER LOH TRIBE - D ORIENTIERIG VERLORE*  
*STOHSCH AMNE PUNKT WO NÜM WEISCH WO D SÖLSCH GO SUECHE NACH WOURET*  
*UND ES SO BEQUEM OHNI GROSSE PROBLEM*  
*MIR SIN SO OVERENTERTAINMENT DAS MR D FROOGE NUEM GSEHN*

## REF

E HAND VOLLER TRÄUM IM NE KÄFIG USS GOLD  
E SEHNSUCHT NACH MEH - AS BLOS CASH UND ERFOLG  
WAS ISCH DI WÄG - WAS ISCH WÄRT  
UND IN WAS INVESCHTIERSCH DU?  
E HAND VOLLER TRÄUM ALS KIND NO SO LIICHT  
JEDE DAAG ISCH E CHANCE DAMITS NID E SO BLIBT  
WENN BISCH SOWIT ? WIE LANG BLIBT NO ZIT?  
UND IN WAS INVESCHTIERSCH SI?

## OUTRO

HESCH DI IMMER LOH TRIBE - D ORIENTIERIG VERLORE  
STOHSCH AMNE PUNKT WO NÜM WEISCH WO D SÖLSCH GO SUECHE NACH WOHRET  
UND ES SO BEQUEM OHNI GROSSE PROBLEM  
MIR SIN SO OVERENTERTAINMENT DAS MR D FROOGE NUEM GSEHN

E HAND VOLLER TRÄUM ALS KIND NO SO LIICHT  
JEDE DAAG ISCH E CHANCE DAMITS NID E SO BLIBT  
WENN BISCH SOWIT ? WIE LANG BLIBT NO ZIT?  
UND IN WAS INVESCHTIERSCH SI?

HESCH DI IMMER LOH TRIBE - D ORIENTIERIG VERLORE  
STOHSCH AMNE PUNKT WO NÜM WEISCH WO D SÖLSCH GO SUECHE NACH WOHRET  
UND ES SO BEQUEM OHNI GROSSE PROBLEM  
MIR SIN SO OVER-ENTER-TAINT